

ԻՍՈՒՎԱՆ ԵՎ ԳՈՐԴԻՈՆԸ մ. թ. ա. XII-X ԴԱՐԵՐՈՒՄ

(Համեմատական վերլուծություն)

Պատմ. գիտ. դրկտոր Ա. Վ. ՔՈՍՅԱՆ

Մ. թ. ա. XII դարի մերձավորարևելյան ճգնաժամի¹ ծավալման բարձրակետի փուլում (դարի առաջին կես) Առաջավոր Ասիայի և էգեյան ծովի ավազանի երկրների կենսագործունեությունը բնորոշվում է հետևյալ վայրընթաց միտումներով՝ 1) քաղաքական միավորների անկում կամ ակտիվության ծալրաստիճան նվազում², 2) տնտեսական համակարգի քայքայում կամ վերացում, 3) քաղաքակրթության կենտրոնների տեղաշարժ դեպի նոր վայրեր, 4) քաղաքային մշակութի անկում, 5) բնակչության շարժունակության անսահմանազեպ աճ³, 6) միջազգային առևտրի անկում: Նշված երևույթների ինտենսիվության աստիճանը տարբեր է, կախված այս կամ այն տարածաշրջանի առաջատարական դիրքից, բնակչության պայմաններից, քաղաքական կազմակերպվածության բնույթից և տնտեսավարման եղանակից: Առաջավորասիական և էգեյան հասարակությունների զարգացման պրոցեսում տեղ գտած վերոհիշյալ փուլը շրջադարձային կետ հանգիստացավ դրանց հետագա կենսագործունեության համար: Շուրջ երկու—երեք դար տևած ճգնաժամային երեւույթների ներգործության հետևանքով արմատական փոփոխություններ տեղի ունեցան ուսումնասիրվող ողջ ընդարձակ տարածաշրջանում: Վերջին տարիներին հետազոտությունները ցույց են տալիս, որ ճգնաժամային երևույթները չեն շրջանցել նաև Հայկական լեռնաշխարհի հասարակությունները, մասնավորապես, Վերին Ուրարտի ավազանի քաղաքական միավորները:

Մերձավորարևելյան ճգնաժամի համակողմանի գիտական ուսումնասիրությունը սկսվել է 1980-ական թթ. վերջերից և այսօր դեռևս պարզ չեն մ. թ. ա. XII—X դարերի ընթացքում Իրանական սարահարթից մինչև էգեյդա ընկած քաղաքակրթության կենտրոնների քաղաքական, սոցիալ-տնտեսական և մշակութային դարգացման առանձնահատկությունները, վերոհիշյալ ճյուղնաժամային երևույթների փոխկապակցվածության աստիճանը, տարբեր տարածաշրջանների միջև և դաժ փոխազդեցությունները: Մինչև վերջերս «Խեռնար դարաշրջան» հորջորջվող այս ժամանակահատվածի օբյեկտիվ, իրական պատկերի վերհանման գլխավոր խոչընդոտը համաժամանակյա գրավոր աղբյուրների սակավությունն է: Այդ է պատճառը, որ որևէ տարածաշրջանի համար ճգնաժամային փուլի ընթացքում տեղի ունեցած իրադարձությունների վերականգնումը իր ամբողջությամբ գրեթե անհնար է: Նման դեպքերում ուսումնասիրողը այլընտրանք չունի բան դիմելու համաժամանակյա անալոգիաների

1 Մերձավորարևելյան ճգնաժամի վերաբերյալ տե՛ս, մասնավորապես, The Crisis Years, the 12th Century B. C. From Beyond the Danube to the Tigris (eds. W. A. Ward and M. Sh. Joukowsky), Dubuque, 1992; Ա. Վ. Քոսյան, Մ. թ. ա. XII դարի մերձավորարևելյան ճգնաժամը և Հայկական լեռնաշխարհը (դոկտորական ատենախոսության սեղմագիր), Երեվան, 1997:

2 Ճգնաժամի ընթացքում պատմության ասպարեզից հեռացան ինքնական տերությունը, ժայռամարային Հունաստանի միկենյան պետությունները, Փոքր Ասիայի և սիրիական ու փյունիկյան տարածաշրջանի մի շարք պետություններ. ռազմաքաղաքական ակտիվության անկման ակնհայտ նշաններ են վկայված եգիպտոսում, Ասորեստանում և Բաբելոնիայում:

3 Այս ժամանակաշրջանում բնակչության լայնամասշտաբ տեղաշարժեր են վկայված Առաջավոր Ասիայի և էգեյդայի գրեթե բոլոր շրջաններում (հյուսիսբալկանյան ժողովուրդներ, խեթեր ու լուվիացիներ, օտովի ժողովուրդներ, արամեացիներ, հրեական ցեղեր, մուզկեր և այլն):

օգնությունը: Պատմական պրոցեսի ուսումնասիրման ընթացքում պակասույժ օրակների վերականգնման այս մեթոդը, իհարկե, չի կարող լիակատար համաստիություն հավակնել, սակայն, այնուամենայնիվ, որոշ դեպքերում կիրառելի է թույլատրելիության սահմաններում:

Ներկա հետազոտության նպատակն է շրջանառության մեջ ղնել Հայկական լեռնաշխարհի արևմտյան հատվածում մ. թ. ա. XII—XI դարերում վկայված մի կարևոր գործընթացին վերաբերող նորագույն ուսումնասիրությունների նյութեր, որոնց պատմագիտական արժեքավորումը դեռևս անգնում է: Առկա սկզբնաղբյուրների շրջանակներում առաջարկվող կանխավարկածը խնդրի գլխավոր լուծման հնարավոր տարբերակներից մեկն է միայն:

Մեր նախորդ ուսումնասիրություններից մեկում⁴ ներկայացվեց վերին-հիբրատյան երկրներից մեկի՝ Իսուվայի (հայկ. Մոփք) տարածքում մերձավոր-արևելյան ձգնաժամի փուլում հնագիտորեն վկայված ժողովրդագրական մշակութային (համապատասխանաբար, նաև՝ քաղաքական) արմատական փոփոխությունների պատկերը: Այդ փոփոխությունների էությունը հետևյալն է:

Մ. թ. ա. XII դարի կեսերին Իսուվայի ուղ բրոնզեդարյան բնակավայրերը լքվել են բնակիչների կողմից և հաջորդ փուլում (վաղ երկաթեդար), գրեթե սուսնց ընդմիջման, այստեղ հայտնվում է մի բացարձակապես նոր, պարզունակ մշակույթ, որը նույն ժամանակներում վկայված և Հայկական լեռնաշխարհի տարբեր հատվածներում: Այս մշակույթի կրողների էլակետը մասնադեմները միանշանակ տեղադրում են Հարավային Անդրկովկասում՝ Թոեղբլան մշակութային արեալում: Ստորև ներկայացնենք Իսուվայի հնավայրերի ուսումնասիրությունից ստացված արդյունքները, որից հետո փորձենք համարել դրանք արևմտակենտրոնական Փոքր Ասիայի հայտնի հնավայրերից մեկի՝ ՅասսըՆյուր-Գրգիտնի համաժամանակյա շերտերի հետ: Իսուվայի հետազոտության առարկա հնավայրերը գերադանցապես ընկած են մի տարածքում, որը ներկայումս կազմում է Կեբանի ջրամբարի մակերեսը, ինչպես նաև Կարակալայի շրջանը: Դրանք են՝ Նուրշուքեփե, Կուրուքեփե, Թեփեջիկ, Դեղիմենքեփե, Հաբիրուշար, Իմիկուշար, Իմամօղլու և այլն: Սույն տարածքը մ. թ. ա. II հազարամյակի երկրորդ կեսին հանդիսանում էր Իսուվայի արևմտյան հատվածը, որն անմիջականորեն հարում էր խեթահայտակ Մայդիա-Մելիդին՝ բնական սահման ունենալով Եփրատը: Ուրարտական ժամանակաշրջանում այստեղ հիշատակվում են Գաուրախի (^{URU}Gaurahi, հայկ. Գաուրեք)⁵ և Տումեիշկի (^{URU}Tumeiški, անտիկ Տոմիսա, հայկ. Թումիս)⁶ քաղաքները: Մ. թ. ա. II հազարամյակի երկրորդ կեսին, հատկապես XIV—XIII դարերում Իսուվան առաջնակարգ նշանակություն է ստանում ինթական տերության արևելյան քաղաքականության մեջ. ինթական և Իսուվայի արքայատոհմերի միջև ենթադրվում է ազգակցական հարաբերությունների գոյություն⁷: Ուրարտական շրջանում Իսուվայի տարածքով էր ընթանում Ուրարտուի առաջխաղացումը դեպի Փոքր Ասիա⁸: Սկսած մ. թ. ա. XIV դարից Իսուվան ավանդարար արևմտամետ կողմնորոշում է ունեցել, մի միտում, որը, համաձայնաբար, շարունակվել է նաև ուրարտական դարաշրջանում⁹:

4 Ա. Վ. Քոսյան, Իսուվան (Մոփք) մ. թ. ա. XIII—XII դարերում. — «Պատմա-բանասիրական հանդես», 1997, № 1, էջ 177—192:

5 Н. В. Арутюнян. Топонимика Урарту. Ереван, 1985, с. 62.

6 Նույն տեղում, էջ 188:

7 H. G. Güterbock. Hittite Hieroglyphic Seal Impressions from Korucutepe. — Journal of Near Eastern Studies, vol. 32, № 1—2, p. 139f.

8 Այս շրջաններով են անցել ուրարտական արքաներ Մենուայի, Արզիշտի I-ի և Սարգուրի II-ի սրջավանդները դեպի արևելյան Փոքր Ասիա: Սարգուրի II-ի Իզդլուի հայտնի արձանագրությունը նույնպես գտնվել է այս շրջանում՝ Եփրատի գետանցման վայրում:

9 Ենթադրվում է, որ փոքրասիական Մելիդի տիրապետությունը կարող էր տարածվել նաև Եփրատից արևելք՝ մեզ հետաքրքրող շրջանի վրա (Н. В. Арутюнян. Указ. соч., с. 188):

Իսուվայի տարածքի մասին պատկերը կներկայացվի երկու կարևոր հնավայրերի՝ նորշունթեփեի և Կորուչութեփեի պեղումներից ստացված նյութերի հիման վրա¹⁰։ Այս ընտրությունը պատահական չէ, քանի որ դրանցից առաջինը, հավանաբար, հանդիսացել է խեթական տիրապետության շրջանի Իսուվայի արքայանիստ քաղաքը։

Ստորև ներկայացնենք վերոհիշյալ հնավայրերի հետազոտությունից ստացված արդյունքները։

Շերտի սկիզբը—Վաղ երկաթեդարյան շերտը հաջորդել է ուշբրոնզեդարյան շերտին առանց ընդմիջման և ավերածությունների։

Ճարտարապետություն—Համեմատաբար պարզունակ տեխնիկա, կազմակերպված լայն շինարարական գործունեության բացակայություն։

Խեցեղեն—Բացառապես պարզունակ, առանց բրուտի անիվի պատրաստված իրեր, անոթների մեծ մասը առօրյա, ֆունկցիոնալ նշանակություն ունի։ Բևակիչների կենցաղը—Բնակավայրերի տարածքը մեծ է, սակայն բնակչությունը վարել է գյուղական պարզունակ կենցաղ։

Շերտի տևողությունը—Շերտը տևել է սուսվելագույնս շուրջ 150 տարի։

Շերտի ավարտը—Ավերածության հետքեր չկան. ակնհայտ է, որ բնակչությունը խաղաղ կերպով լքել է բնակավայրերը։

Ըստ մասնագետների կարծիքի, Իսուվայի տարածքից հայտնի, թվով 13 վաղ երկաթեդարյան հնավայրերը իրենցից ներկայացնում են ապակենտրոնացված գյուղատիպ բնակավայրերի մի խումբ¹¹։ Վերահիշյալ պատկերը կարելի է լրացնել Կորուչութեփեի պեղումներից ստացված ընտանի կենդանիների ոսկրաբանական նյութերի ուսումնասիրության արդյունքներով¹², որոնք վկայում են ուշ բրոնզից վաղ երկաթ սնցման փուլում բնակչության կենսագործունեության ծավալի կրճատման օգտին։

	Ուշ բրոնզ	Վաղ երկաթ
ՁԻ	21	1
ԷՇ	67	7
ԿՈՎ	2484	38
ՈՁԽԱՐ	501	4
ԱՅԾ	324	1
ԽՈՁ	1171	1
ՇՈՒՆ	18	2
ՀԱՎ	11	

Անկասկած, վերը բերված աղյուսակի թվական տվյալները չեն կարող հավակնել բացարձակության, սակայն ընդհանուր առմամբ երկու փուլերի միջև հարաբերակցությունը հազիվ թե էականորեն փոխվի։ Գրեթե բոլոր դեպքերում երկու սյունակների միջև եղած տարբերությունը վիթխարի է, և սկայում է հօգուտ այն ենթադրության, որ վաղերկաթեդարյան Կորուչութեփեն իրենից ընդամենը մի խղճուկ բնակավայր է ներկայացրել։

Իսկ այժմ ներկայացնենք Գորդիոնի համաժամանակյա փուլի համառ

¹⁰ K. Bartl. Die Frühe Eisenzeit in Ostanatolien und ihre Verbindungen zu den benachbarten Regionen.—Baghdader Mitteilungen, Bd.25, 1994, S.473ff. Some Remarks on Early Iron Age in Eastern Anatolia.—Anatolica, vol. XXI, 1995, p. 207f.; S h. M. M. Winn. The Early Iron Age Pottery.—In: Korucutepe III (Ed. M. N. von Loon). Amsterdam, 1980, p. 155ff.

¹¹ K. Bartl.—Anatolica XXI, p. 209.

¹² J. Boessneck und V. von den Driesch. Tierknochenfunde vom Korucutepe bei Elazig in Ostanatolien. Fundmaterial der Grabungen 1968 und 1969.—In: Korucutepe I. Amsterdam, 1975, S. 24, Tab. 3.

վերականգնվող իրավիճակը ըստ 1988—1989 թթ. պեղումների¹³: Ստորև տրվում են ետխեթական շրջանի ՅասսըՆյոյուք-Գորդիոնի առաջին՝ 7B փուլը բնորոշող տվյալները:

Շերտի սկիզբը—Մ. թ. ա. XII դարի առաջին կես. Ուշբրոնզեդարյան և վաղ-երկաթեդարյան շերտերի միջև ժամանակագրական ճեղքվածք գրեթե չկա: Անցումը տեղի է ունեցել առանց ավերածությունների:

Ճարտարապետություն—Պարզունակ շինարարական տեխնիկա:

Խեցեղեն—Խեցեգործական միակ համալիրը բաղկացած է սև գույնի, առանց բրուտի անիվի պատրաստված և ցածր ջերմաստիճանի տակ թրծված անոթներից: Բոլոր իրերը տնայնագործական արտադրանք են: Արհեստանոցային ստանդարտացված անոթներ չկան:

Բնակիչների կենցաղը—Պարզունակ, պետականորեն չկազմակերպված փոքր բնակավայր:

Շերտի տևողությունը—Մինչև մ. թ. ա. 1000 թ. մոտերքը:

Շերտի ավարտը—Հաջորդ՝ 7A փուլը նախորդի մշակութային շարունակությունը չէ. 7B-ի խեցեգործական ավանդույթները այլևս չեն շարունակվում:

Գորդիոնի վաղ երկաթեդարյան փուլի վերը տրված բնութագիրը անհրաժեշտ է լրացնել այդ մշակույթի կրողների վերաբերյալ գոյություն ունեցող դերիշխող տեսակետով¹⁴:

Ըստ հետազոտողների շրջանում տարածված կարծիքի, 7B փուլի բնակիչները որոշակիորեն առնչվում են Հյուսիսային Բալկանների և մ. թ. ա. XIII դարի վերջերի Տրոյա VII B2-ի հետ: Հիմքը՝ վերջինիս գերիշխող խեցեղենի՝ Buckelkeramik-ի («ելունդավոր») և 7B-ի միջև եղած զգալի բնոճանրությունն է: Այսպիսով, կարելի է ենթադրել, որ խեթական տերության տրոհման շրջանում՝ մ. թ. ա. XIII դարի վերջերին—XII դարի սկզբներին Հյուսիսային Բալկաններից ընթացած էթնիկական տեղաշարժերի արդյունքում հյուսիսարևմտյան Փոքր Ասիայում և Սանգարիոսի հովտում կարող էին հայտնվել պարզունակ կենսագործունեություններ բնորոշվող բնակչության խմբեր:

Ինչպես տեսնում ենք, Իսուվայում (ժամանակակից էլյազդի շրջան) և արևմտակենտրոնական Փոքր Ասիայում (Գորդիոն) միևնույն ժամանակահատվածի ընթացքում հայտնվում են գրեթե միևնույն կերպ բնութագրվող, սակայն ակնհայտորեն տարբեր ելակետ և ծագում ունեցող մշակույթներ: Իվ որ առավել կարևոր է, երկուսն էլ որևէ կերպ չեն առնչվում նախորդող և հաջորդող շերտերի հետ: Դրանք նման են ինչպես հայտնի լու եղանակի (խաղաղ ներթափանցում արդեն ապաբնակեցված կամ, համենայնդեպս, ղգայիորեն բնակավայրի եղած բնակավայրեր), այնպես էլ պատմության ասպարեզից հեռանալու (ասպարեզեցում առանց արտաքին միջամտության) հարցում:

Ինչպիսի քաղաքական և սոցիալական իրավիճակում էր հնարավոր բավական մեծ ժամանակագրական ընդդրվում ունեցող վերոհիշյալ բնակավայրերի գոյությունը: Ինչով կարող էր պայմանավորված լինել ուշբրոնզեդարի վերջերին քաղաքական, տնտեսական և մշակութային լավ ամանդույթները

¹³ R. C. Henrickson. Continuity and Discontinuity in the Ceramic Tradition of Gordion During the Iron Age.—In: Anatolian Iron Ages. 3 (eds. A. Çilingiroğlu and D. H. French). London, 1994, p. 107ff.

¹⁴ C. W. Blegen. Troy IV.—Princeton, 1958, p. 159; E. B. French. Possible Northern Intruders at Mycenae.—In: Thracians and Mycenaeans (eds. J. G. P. Best and N. H. W. de Vries). Leiden, 1989, p. 133f.; J. Rutter. Ceramic Evidence for Northern Intruders in Southern Greece at the Beginning of the Late Helladic IIC Period.—American Journal of Archaeology, vol. 79, 1975, p. 17ff.; K. De Vries. The Gordion Excavation Seasons of 1969—1973 and Subsequent Research.—American Journal of Archaeology, vol. 94, 1990, p. 371—406, և այլն:

ունեցող Իսուվայի և Սանգարիոսի հովտի բնակչության նման վայրընթաց դարգացումը:

Այսօր մասնագիտական շրջանակներում այս երևույթի համար չկա որևէ հիմնավոր բացատրություն: Շրջանառության մեջ են մ. թ. ա. XII դարի խոշոր միգրացիաները¹⁵, բնակլիմայական պայմանների վատթարացումը¹⁶ կամ ուղղակի հնարավոր տարբեր պատճառների միաժամանակյա ներգործությունը: Բանն այն է, որ Իսուվայի և Գորգիոնի համար վերականգնվող իրավիճակը գրեթե միևնույն բնութագրիչներով առկա է Առաջավոր Ասիայի և էգեիդայի այլ վայրերում ևս¹⁷, այսինքն, քննարկվող երևույթը հատկանշական է եղել ողջ ժամանակաշրջանի համար:

Իսուվայի հնավայրերի ապաբնակեցումը ուշբրոնզեդարի վերջերին (մ. թ. ա. XII դարի առաջին կեսի ընթացքում) հազիվ թե հնարավոր լինի բացատրել հարավից եկող սպառնալիքով, տվյալ պարագայում՝ Թուկուլթի-նինուրտա 1-ի արշավանքների փուլում¹⁸: Այլ բնույթի արտաքին սպառնալիք նույնպես դժվար է ենթադրել, նկատի ունենալով բնակավայրերի լքման խաղաղ եղանակը (տե՛ս վերը): Որպես աշխատանքային վարկած խնդրի ուսումնասիրման տվյալ փուլում հակված ենք դեպի մերձավորարևելյան ճգնաժամի ընթացքում վկայված հետևյալ գործընթացը, որը բնութագրական է Առաջավոր Ասիայի և էգեիդայի համաժամանակյա քաղաքակրթության կենտրոնների համար:

Տարբեր տարածաշրջաններում պարզորոշ նկատվում են ուշբրոնզեդարյան կենտրոնների դարգացման հետևյալ հաջորդական փուլերը¹⁹:

1) Բնակչության և բնակավայրի քանակական և տարածական աճ, որն ուղեկցվել է ամրաշինական աշխատանքներով: Պատճառը՝ շրջակա երկրագործական շրջանների բնակչության ներհոսք, հիմնականում ոչ արտաքին սպառնալիքի թելադրանքով: Օրինակ, Սալամինը և Կիտիոնը (Կիպրոս), Յալիսոսը (Հռոդոս), Պելոպոննեսի մի շարք բնակավայրեր (Միկենք, Տիրինթոս և այլն), Խաթթուսաս, Գորգիոն և այլն:

¹⁵ Միգրացիոն գործնի դերի շուրջ կարծիքների տեսության համար տե՛ս R. D. Barnett. The Sea Peoples.—In: CAH, vol. II, 1967, ch. XXVIII, 3ff.

¹⁶ Մ. թ. ա. XII դարի մերձավորարևելյան ճգնաժամի գործում բնակլիմայական դրոնի գերի շուրջ տե՛ս R. Carpenter. Discontinuity in Greek Civilization, Cambridge, 1966 (միկենյան Հունաստանի համար); J. Neumann and S. Parpola. Climatic Change and the Eleventh—Tenth Century Eclipse in Assyria and Babylonia.—Journal of Near Eastern Studies, vol. 46, 1987, p. 161ff. (Միջագետքի համար); H. Klenge. «Hunger-Jahre» in Hatti.—Altorientalische Forschungen, Bd. 1, 1974, S. 165ff.; W. Helck. Nochmals zu Ramses III Seevölkerbericht.—Studien zur altägyptische Kultur, Bd. 14, 1987, S. 129ff. (Փոքր Ասիայի համար); B. Weiss. The Decline of Late Bronze Age Civilization as a Possible Response to Climatic Change.—Climatic Change 4, 1982, p. 173ff.; Ա. Վ. Քոսյան. Կրկին էմիգրական տեղաշարժերի մասին.—«Պատմա-բանասիրական հանգես», 1994, № 1—2, էջ, 247—255:

¹⁷ Միկենյան Հունաստանում այս պրոցեսի հետ առնչվող նորագույն ուսումնասիրությունների շուրջ տե՛ս J. D. Muhly. The Crisis Years in the Mediterranean World: Transition or Cultural Disintegration?—In: The Crisis Years, 1992, p. 10ff.

¹⁸ Թուկուլթի-նինուրտա 1-ի կառավարման սկզբին ձեռնարկված արշավանքների ընթացքում, ըստ իր իսկ տեքստերի (A. K. Grayson. Assyrian Royal Inscriptions. Vol. 1, Wiesbaden, 1972, 773, 783), որևէ ակնարկ չկա Իսուվայի նկատմամբ ձեռնարկված պատժիչ միջոցառումների մասին: Իրարտի աջակողմյան տարածքներից 28,800 գերիների ձեռքբերման մասին հաղորդումը չի կարող առնչվել Իսուվայի հետ: Անհրաժեշտ է հաշվի առնել նաև տվյալ խնդրում առկա ժամանակագրական անհամապատասխանության փաստարկը. Թուկուլթի-նինուրտայի ռազմական գործողությունները հյուսիսում թվագրվում են մ. թ. ա. 1230-ական թթ. («Իմ գա՛նակալման տուգին տարում ես...»), A. K. Grayson. Op. cit.), այնինչ Իսուվայի բնակավայրերի ապաբնակեցումը ընկնում է դրանից սվելի բան կես դար հետո:

¹⁹ Տե՛ս Ա. Քոսյան. Մ. թ. ա. XII դարի մերձավորարևելյան ճգնաժամը և Հայկական լեռնաշխարհը:

2) Քաղաքային բնակչության քիչ թե շատ զանգվածային արտագաղթ-Արդյունքում բնակավայրերը կամ ամբողջովին լքվում են (օրինակ, հաթիու-սաս, Գորդիոն) կամ տեղում մնում է բնակչության մի փոքր մասը (Միկենք) Աւդաիսի սպաբնակեցված բնակավայրերը կամ ընդհանրապես այլևս չեն վերաբնակեցվում կամ չհեռացած բնակչությունը շարունակում է նախկին մշակութային ավանդույթները անհամեմատ ավելի ցածր կատարողական մակարդակով: Օրինակ, ուշհելադյան III C փուլի (մոտավորապես մ. թ. ա. 1196—1040 թթ.) Միկենքը իրենից ներկայացնում է մի խղճով բնակավայր, որը ոչնչով չի նմանվում Ագամեմնոնի քաղաքին:

Այսօր վերը նշված փուլերի համար առաջարկվող առավել համոզիչ մեկ նաբանությունը տվյալ տարածքի քաղաքական և տնտեսական կառույցների լիակատար անկումն է, որի ներգործության հետևանքով քաղաքային լավ ամրագրված ունեցող բնակչությունը կամ 1) հեռանում է իր կենցաղավայր-ման եղանակի համար ավելի նպաստավոր վայրեր, կամ 2) տասնամյակների ընթացքում անցնում է առավել պարզունակ՝ գյուղական կենցաղի²⁰:

Առաջին հայացքից, նկատի ունենալով մեր ձեռքի տակ եղած հնագիտական ուսումնասիրությունների արդյունքները, որոշ վերապահումներով կարելի է պայմանականորեն ընդունել վերոհիշյալ սխեման: Սակայն, այնուամենայնիվ, պիտի նկատի ունենալ այն, որ Իսուվայի վաղ երկաթեդարյան խեցեղենի ստեղծողներին դժվար է, եթե ոչ անհնար, դիտել որպես գյուղական կենցաղի անցած նախկին բնակիչներ: Ի թիվս այլ փաստարկների, չի կարելի անտեսել մ. թ. ա. XII դարի կեսերին այս շրջաններում ասորեստանյան աղբյուրներով վկայված օտարամուտ մուշկերի, կասկ-ապիշյունների և ուրումունների ներթափանցման փաստը: Ըստ այդմ, գերադասելի է ենթադրել բնակավայրերի բնակչության կամավոր արտագաղթը դեպի հարևան տարածքներ: Որպես նրանց մեկնակետ, իհարկե, առանց որևէ հիմնավորման, հնարավոր ենք համարում առաջարկելու Միդատի աջափնյակը: Բանն այն է, որ այստեղ, հեթական տերության տրոհումից անմիջապես հետո, առանց ժամանակագրական ձեռքբերածի, ձևավորվել էր ետիսեթական Մելիդի թագավորությունը: Վերջինս մի առժամանակ ձևակախորեն հանդիսանում էր հյուսիսսիրիական Կարգամիս պետությունից կախյալ թագավորություն: Ետիսեթական առաջին փուլում (մ. թ. ա. XII—XI դարեր) նախկին հեթական տերության արևելյան շրջանները, դատելով այստեղ պետականության ավանդույթների շարունակականության փաստից և հնագիտական ուսումնասիրությունների արդյունքներից²¹, նախորդ ուշբրոնզեդարյան փուլի նկատմամբ քաղաքական և մշակութային խզվածք ցույց չեն տալիս: Նման ենթադրության օգտին կարելի է բերել ևս մի նկատառում, այն է՝ հեթական տերության և Իսուվայի միջև մ. թ. ա. XIV—XIII դարերում գոյություն ունեցող դաշնակցային հարաբերությունների փաստը²²:

²⁰ Ուշբրոնզեդարյան կենտրոնների բնակչության կենսագործունեության մեջ պարզորոշ նկատվող այս միտումը հստակ ձևակերպված է Սիրիայի օրինակով (M. Liverani, The Collapse of the Near Eastern Regional System at the End of the Bronze Age: the Case of Syria.—In: Center and Periphery in the Ancient World (eds. M. Rowlands, M. Larsen and K. Kristiansen), Cambridge, 1987, p. 66ff.):

²¹ K. Bittel. Die archaologische Situation in Kleinasien um 1200 v. Chr. und während der nachfolgenden vier Jahrhunderte.—In: Griechenland, die Ägais und die Levante während der «Dark Ages» vom 12. bis zum 9. Jh. v. Chr. Akten des Symposiums von St. Zewettl (NO) 11.—14. Oktober 1980 (Hrsg. von S. Deger-Jalkotzy). Wien, 1983, S. 39f.

²² հաթիուի և Իսուվայի միջև գոյություն ունեցող դաշնակցային հարաբերությունների օգտին է վկայում մ. թ. ա. XIII դարի 30-ական թթ. սկզբով թվագրվող խեթական արքայ Քուդուսիլիաս IV-ի և Թարիունասասայի արքայ Ուրմի-Յեշուրի միջև կնքված պայմանագրի վկաների թվում Իսուվայի արքայ Արի-շարրումայի հիշատակությունը (Keilschrifturkunden aus Boghazkoi, IV, 10 Rs. 29):

Իսուվայի բնակավայրերում մ. թ. ա. XII—X դդ. պարզորոշ նկատվող վայրերնիսց դարգացման միտումների լույսի տակ անհնար է խուսափել վաղ-երկաթեդարյան փուլում այս ևրբեմնի աչքի ընկնող պետության քաղաքական կազմակերպման աստիճանի խնդրից: Ուսումնասիրվող ժամանակաշրջանում ինչ կարող էր ներկայացնել իրենից հարմար աշխարհագրական դիրք և մեծ նյութական ուսուրսներ ունեցող այս տարածքը: Աղբյուրների սղության պատ-ճառով առայժմ կարելի է սահմանափակվել միայն նախնական ենթադրու-թյուններով, որոնք հենվում են որոշ անուղղակի փաստերի վրա:

Իսուվայի անմիջական հարևան լուվիական Մելիդի՝ մ. թ. ա. XII—X դդ հիերոգլիֆային արձանագրություններում Եփրատի ձախափնյակի որևէ հի-շատակույթուն չկա. մելիդյան արքաների բոլոր արշավանքները ուղղված են եղել դեպի արևմուտք²³: Եթե նկատի ունենանք, որ առկա գրավոր աղբյուրնե-րի հիման վրա դժվար է Եփրատից մինչև Վանա լիճ ընկած տարածքում մ. թ. ա. XII—X դդ. ենթադրել որևէ խոշոր քաղաքական միավորի գոյություն, որը կարող էր Իսուվայի տարածքի նկատմամբ ազդեցություն ունենալ, ապա հավանական է թվում, որ վերջինս պիտի գտնվեր Մելիդի կազմում: Համե-նախնդնապես, Ուրարտուի արևմտյան էքսպանսիայի շրջանում նման ենթադրու-թյան համար լուրջ հիմքեր կան²⁴: Հաղիվ թե ուղղափառ քաղաքական և տնտեսա-կան մեծ պոտենցիալ ունեցող Մելիդը, որի արքաների նվաճումները հաս-նում էին ընդհուպ մինչև ժամանակակից Կայսերի և Կիլիկյան դարպասներ, չհրապուրվեին Եփրատի աջափնյակի հարուստ պղնձահանքերով և բերրի հո-ղերով: Եվ դա այն դեպքում, երբ Իսուվայի վաղերկաթեդարյան փուլի ամենա-հեռավոր բնակավայրերը գտնվում էին Մելիդի համանուն մայրաքաղաքի (ժամանակակից Արսյանթեփե գյուղի տեղում՝ Մայաթիայից 7 կմ հյուսիս-արևելք) հագիվ 50—60 կմ վրա: Միևնույն ժամանակ դժվար է ենթադրել, որ Մելիդի մայրաքաղաքը գտնվել է պետության սահմանամերձ գոտում:

ИСУВА И ГОРДИОН В XII—X веках до н. э.

(Сравнительный анализ)

Доктор истор. наук А. В. КОСЯН

Резюме

Результаты сравнительного анализа археологической ситуации в двух различных регионах Передней Азии (правобережная зона верхнеевфратской долины—территория государства Исува и долина реки Сангарий—поздний Гордион) в период XII—X вв. до н. э. однозначно указывают на практически идентичную линию историко-культурного развития этих областей после распада Хеттской империи. Это—всеобщая политиче-ская, социально-экономическая и культурная деградация некогда развитых городских цивилизаций в ходе ближневосточного кризиса XII в. до н. э. Аналогичные тенденции в развитии позднебронзовых центров налицо также в других регионах древней Передней Азии и Эгеиды. Так как население раннежелезного периода изучаемых регионов представляло собой пришлый элемент, в статье выдвигается рабочая гипотеза, согласно которой позднебронзовое население могло мигрировать в более подходящие для своей жизнедеятельности области, например, в правобережные районы верхнеевфратской долины. Такой ход событий хорошо укладывается в рамки ближневосточного кризиса, когда распад государственных структур и экономического базиса обществ являлись причиной усиления мобильности не только «варварской» периферии, но также и развитых городских цивилизаций.

²³ Ա. Քոսյան, Ուշիսթական Մելիդ պետությունը.— «Լրաբեր հասարակական գիտու-թյուններ», 1980, № 4/6, էջ 62—70:

²⁴ Н. В. Арутюнян, Топоимка Урарту, Ереван, 1985, с. 140 сл.

ISUWA AND GORDIOM IN THE XII—X CENTURIES B. C.
(A comparative study)

Dr. of Hist. Sc., A. V. KOSSIAN

The comparative study of archaeological situation in two distant areas of the Near East (eastern part of the Upper Euphrates valley—the territory of the kingdom of Isuwa, and the Sangarius valley—Phrygian Gordion) in the XII—X c. B. C. clearly illustrates the identical line of historical-cultural development of these regions after the disintegration of the Hittite Empire. These are—total political, socio-economic and cultural degradation of once flourishing urban centers in the course of the Near Eastern crisis in the XII century B. C. The same tendencies in the development of Late Bronze Age civilizations are traceable also in other areas of the Near East and the Aegean. Since the population of areas under investigation in the Early Iron Age period was intrusive, the author puts down a working hypothesis, according to which the Late Bronze Age settlers could have had migrated to the western part of the Upper Euphrates valley. This idea is in good concordance with the framework of the Near Eastern crisis, when disintegration of state structures and economic basis of societies had intensified the mobility of «barbarian» periphery as well as developed urban civilizations.